

# IWC 5.0 tawar kelas digital percuma kepada pelajar SPM

## KUALA LUMPUR -

Inisiatif Wilayah Cakna (IWC) 5.0 menawarkan kelas digital percuma kepada pelajar yang bakal menduduki peperiksaan Sijil Pelajaran Malaysia (SPM) pada tahun ini.

Inisiatif baharu dikenali sebagai Kelas Digital Mahir Tutor itu adalah di bawah kelolaan Planet Mahir Sdn Bhd dan bakal bermula pada 1 Jun ini sehingga tamat peperiksaan SPM.

Ketua Pegawai Eksekutif Planet Mahir, Datuk Dr Ahmad Ramzi Mohamad Zubir berkata, kelas digital itu ditawarkan sebagai bantuan kepada pelajar SPM yang terkesan dengan penutupan sekolah akibat pandemik Covid-19.

“Kelas Digital Mahir Tutor ini merupakan inisiatif baharu di bawah IWC 5.0 dan kami turut menjalinkan kerjasama dengan Kementerian Wilayah Persekutuan (KWP) serta Yayasan Wilayah Persekutuan bagi menjayakan pelaksanaan ini,” katanya da-

**IWC 5.0 bakal menyediakan kelas digital percuma untuk pelajar yang bakal menduduki peperiksaan SPM tahun ini.**

lam satu kenyataan pada Rabu.

Menteri Wilayah Persekutuan, Tan Sri Annuar Musa pada Selasa membuat pengumuman IWC 5.0 di mana salah satu inisiatif meliputi pelaksanaan Kelas Digital Mahir Tutor merangkumi 10 subjek teras, wajib lulus dan kritikal.

Antara subjek terlibat adalah Bahasa Malaysia, Bahasa Inggeris, Sejarah,

Pendidikan Islam, Matematik, Sains, Fizik, Kimia, Biologi dan Matematik Tambahan.

Mengulas lanjut, Ahmad Ramzi berkata, semua kelas pembelajaran SPM Mahir Tutor ini telah dirakam dalam bentuk *video on demand* yang membolehkan pelajar mengakses pada bila-bila masa dengan menggunakan semua jenis peranti.